

Vuk'uzenzele

**JOBS
INSIDE:**

Produced by Government Communications (GCIS)

English/Siswati

| Inyoni 2018 Lushicilelo 1

Free Copy

Let's tour Mzansi



@VukuzenzeleNews

Vuk'uzenzele

ALSO AVAILABLE ON:

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353



Tivakashi taphesheya atiwuvali umlo- mo ngemphatfo yeNingizimu Afrika

Dale Hes

Takhamuti tamasipala wemalokishi ase-George Enshonala-nga Kapa titawube tinika tivakashi taphesheya busuku letingeke tibukhohlwe ngalomklamo we-*Dine with Locals*.

Lomklamo uyincenye yekubungata Inyanga Yetekuvakasha lapho masipala akhetisa khona emacembu lasitfupha lasuka elokishini laseThembalethu nase-Pacaltsdorp kutsi amukele tivakashi letivela phesheya ngesidlo lesinato tonkhe tibiliboco kanye nekwenta imidlalo yekujabulisa letivakashi.

Kutlungiselela kwamukela letivakashi, lamacembu ane-nele emaseshini ekuticecsha lamayelana netekuvakasha netekudla.

Lamacembu afundziswe



■ Tivakashi tititfokotisa ngesidlo lesihlelwe liCembu i-Explore our Hood Team eThembalethu njengendlela yalomklamo we-*Dine with Locals*.

emakhono lahambisana nekulacala nekuchuba emabhizinisi, ngenhloso yekutsi aphumelele kwenta imali kulemboni yetekuvakasha.

Nomzamo Entile (lone-minyaka yebudzala lenge-31) loyincenye yalamacembu lasitfupha ungumholi welicembu i-Explore our Hood, laseThembalethu. Entile wacala

i-Explore our Hood kute agcucutele umoya wekusebentisana e-George.

“Sabona kutsi bekunengavani kumimango leye-hlukahlukene yase-George. Sifuna bantfu bete emalokishini batobona kutsi sinelisiko lesiXhosa lelinemandla lekufanele kutsi batibonele lona,” kwasho Entile.

Kumalungiselelo Enyanga Yetekuvakasha, lelicembu sevele lente timbili tindlela tekuhlola kutlungiselela, lamukela emalunga emboni yetekuvakasha.

“Sikulungele kuvakashe-lwa futsi siyatfokota kakhulu kwamukela tivakashi taphesheya. Siyatsemba kutsi loku kutawuvula ematfuba kitsi sonkhe ekutsi sitfole sipiliyoni kulemboni yetekuvakasha, futsi kutawukhombisa kutsi emalokishi ase-Ningizimu Afrika kuningi langakwentela tivakashi taphesheya netalapha ekhaya,” kwasho Entile.

Umphatsi we-George Tourism Joan Shaw utsi loluhlelo lutawuveta tinhlobohlobo temasiko.

“Loluhlelo lwetfu lwe-*Dine with Locals* lumelele lokwehlukahlukana kwesive, lesinetinhlobohlobo temasiko langetulu kwalasihlanu le-

kusiXhosa, siVenda, si-Khoi, si-Cape Malay kanye nalelo lekudla kwaselwandle i-*‘Snoek and Patat’*, kwasho Shaw.

Emva kwalemisebenti, lamacembu atawuba bosoma-

“**Emalokishi aseNingizimu Afrika kuningi langakwentela tivakashi taphesheya netalapha ekhaya.**”

bhizinisi labatfula tinsita ku-George Tourism, kanjalo nayo itawukhangisa futsi isebentise letinsita letetfulwa ngilamacembu. ■

Kudlala ngemagagasi kusa bantfwana emgwaceni

NANOMA LABANYE bantfu labaningi babona kuntjweza, i-*surfing*, njengemidlalo kodwa inhlango letsite KwaZulu-Natal ikwente loku kwaba yindlela yelusha yekukhibika.

Vuyo Ndlovu

Kuntjweza emantini akusiwo umdlalo noma indlela yekutijabulisa kulusha loluhlala emkhatsini kwelidolobhakati laseDurban KwaZulu-Natal kodwa kuyindlela yekubalekela kuganga. I-Surfers Not Street Children yinhlangano lebonelela kuphakelwa kwetifundvo tekuntjweza tamahlala ebantfwaneni labahlala emigwaceni nelusha lelibondzinga sitsebeni lelitfolakala emkhatsini kwelidolobhakati.

Lenhlangano ibukene ngconekulwa nekuswelakala kwemakhaya ebantfwaneni futsi icinisekisa kutsi lusha lwenta lokutsite lokwakhako ngetimphilo talo.

Masipala waseThekwini madvute nje ucedza kwesekela lenhlangano ngekuni-



■ Labanye bantjwezi, ma-surfers, be-Surfers Not Street Children kanye ne-KZN Surfing Club batfole emabhodi ekuntjweza. Lamabhodi atawusetjentiswelwa kutfutukisa kuntjweza.

kela ngemabhodi ekuntjweza lali-10.

Lamabhodi entelwe kutsi asebente kutfutukisa tekuntjweza futsi entiwe ngeligwebu lelenta kutsi labo labasafundza kuntjweza bandande emantini bangangcwili.

Umphatsi walomasipala welitiko lekutfutukisa temidlalo nekukhibika Te-

ddi Adams watsi lamabhodi atawusita labo labanesifiso sekuntjweza.

“Lomnikelo uyincenye yendlelamasu yamasipala yekutfutukisa temidlalo nekucinisekisa kutsi lonkhe lusha, ngaphandle kwekubuka buhlanga nelizinga letenhla-lo, luyafinyelela kutinsita ngalokulinganako kute

lusitakale lwente kancono kuluhlobo lwemidlalo leluwutsandzako.”

Langelihle Nkosi (lone-minyaka yebudzala le-16) lomntjwezi ubonge lomasi-pala ngalomnikelo.

“Kuyangitfokotisa kuta kutifundvo tekuntjweza ngoba tiyangincedza kugcina umtimba wami usesimeni lesikahle futsi ngiyatsandza kudlala ngemagagasi.” Nkosi wagcugcutela labanye labanesifiso sekuntjweza kutsi bete babeyincenye bafundze kabanti ngekuntjweza.

Sandile Mqadi umcecechi we-Surfers Not Street Children Club, watsi lenhlangano beyihlose kufundzisa bantfwana emakhono ekuntjweza njengendlela yekubasusa emgwaceni.

“Sisita bantfwana labahlala emigwaceni nalabo lababuya kumimango

lephuyile. Tinsita tetfu atikhokhelwa kantsi futsi samukela bantfu labasha labaneminyaka yebudzala lesuka kulesihlanu kuya kulenge-23,” kwasho Mqadi.

Wangeta ngekutsi lamabhodi masipala lanikele ngawo atawusita imitamo yabo futsi bantfwana labaningi batawukhona kuba yincenye yaloluhlelo.

I-Surfers Not Street Children Club yetfula tifundvo tekuntjweza kusa ngeMsombuluko kuya kuLesihlanu ngensimbi ye-08h30 kanye neye-13h30. Labanesifiso sekubayincenye banga-bhalisa ehhovisi le-Surfers Not Street Children Club lelise-North Beach.

Masipala uphindze wanikela ngalamanye emabhodi ekuntjweza lali-10 ku-KwaZulu-Natal Surfing Federation. ■

Litiko Letemphilo eLimpopo libeka kumunyisa ezingeni lelisha lekungaze kufikwe kulo

NJENGOBA SIVE sigubha umkhosi weminyaka lelikhulu yaMake Albertina Sisulu Litiko Letemphilo laseLimpopo licambe ligumbi lekumunyisa ngeligama lakhe kute kuzuze bomake.



■ Umphatsiswatiko Wetemphilo eLimpopo Dkt. Phophi Ramathuba bekahamba nabomake labamunyasako batotfula umkhankaso wekumunyisa.

Kanego Lewele na-More Matshediso

Kumunyisa kumco-ka ekukhuleni lokunemphilo kwemntfwana nasekudleni kwetinswane kodvwa bomake labaningi labasebentako batfola bumatima kuchubeka nalenchubo emva kwekuphela kwelivi sebabuyela emsebentini.

Loku kubangwa kutsi

kute tindzawo letikahle etindzaweni letiningi bomake labanentinswane labasebentela kuto lapho bangakhama lubisi noma bamunyise bantfwana babo ngesikhatsi semsebenti, kubenta balahlekelwe sifiso sekuchubeka bamunyise ngenca yekutsi bacitsa sikhatsi lesinyenti basemsebentini bantfwana bangekho nabo.

Kumtamo wetfu wekubukana nalenseyeya, Litiko Le-

temphilo laseLimpopo lisungule ligumbi lelilekucala lekumunyisa nekukhama lubisi emahhosisini alo.

Leligumbi lekumunyisa le-fulwe nguMphatsiswatiko Dkt. Phophi Ramathuba.

Licanjwe ngeligama laMake Albertina Sisulu lesigubha umkhosi weminyaka lelikhulu yekutalwa kwakhe lomnyaka.

Siyatsemba kutsi leligumbi angeke lisekele kuphe-

la bomake labamunyasako, kodvwa litawugcugcutela lamanye ematiko kutsi asekele bomake labamunyasako etindzaweni labasebentela kuto.

Tisebenti talelitiko tingavumela bantfu labasala nebantfwana kutsi baletse tinswane emsebentini ngetikhatsi tekudla kute timunyaswe. Leligumbi lingasetjentiswa futsi bomake labafuna kukhama lubisi ngesikhatsi semsebenti.

Lomunye wetisebenti talelitiko Mpho Kutumela longumake wemawele lanetinyanga leti-11, umfanenentfombatane, uyalitfokotela leligumbi.

“Leligumbi litasisebentela sibomake ngoba litawuphindza lisinike litfuba lekukhama lubisi ngekukhululeka endzaweni lelungele loko,” washo njalo.

Bomake labavakashela litiko nganoma ngabe ngutiphi tizatfu bahamba nebantfwana babo nabo batawuvunye-lwa kusebentisa leligumbi kumunyisa bantfwana.

Umphatsiswatiko Ramathuba watsi i-Albertina Sisulu Breastfeeding Room ngiyo yodvwa kuso sonkhe si-fundza.

Umphatsiswasito utsemba kutsi lomkhankaso utawugcugcutela kukhula nekuvikela tindlela letivulekile tekumunyisa ngenhloso yekuzuza kukhula lokumcoka lokunemphilo emntfwaneni.

“Lubisi lwelibele lunayo yonkhe imisoco ledzingwa tinswane futsi ayikho lenye indlela lelingentiwa ngayo ngaphandle kwekumunyisa,” kwaso Umphtsiswatiko. ■

Tinzuzo tekumunyisa

- Lubisi lwelibele lunemasotja emtimba lancedza umntfwana kulwa nemagciwane nemabhakhtheriya.
- Kumunyisa kunciphisa ematfuba ekutsi umntfwana angenwe ma-aleji.
- Bantfwana labamunyakongalokugcwele tonkhe tinyanga letisitfupha tekucala banematfuba lamancane ekutselelwa tifo, kugula lokumayelana nekuphefumula kanye nensheko lengapheli.

New health centre for Port Nolloth

Jauhara Khan

The seaside town of Port Nolloth in the Northern Cape will soon benefit from a full-service community health centre project which promises to enhance access to quality healthcare.

The project is being implemented by the Independent Development Trust (IDT) on behalf of the Northern Cape provincial Department of Health at a cost of about R150 million and is expected to open soon.

Once completed, the building will comprise all primary health facilities including a trauma unit, radiology, dis-

pensary, psychiatric ward, maternity wards and paediatric wards. Consultation rooms will be used for reproductive health services, a psychologist, dietician and other services once constructed.

Work on site also encompasses the construction of facilities for support services including administration and waiting areas, ambulance quarters and parking bays, overnight accommodation for paediatric mothers, a mortuary, kitchen and dining area, stores and maintenance area.

Port Nolloth, located along the Atlantic Ocean, is one of the most remote areas of South Africa with a population of just over 6 000. It is served by

a small government clinic that offers a community-oriented primary health care programme that monitors and works towards the improved health and well-being of families in that area.

The progress on the project is currently at 70 percent. The contractor has been busy with installation of roofing in some of the buildings as well as internal plastering, painting and external work like paving, lighting and parking areas.

The project has created decent job opportunities. A majority of these jobs were reserved for the local community and a lot of the work on site, such as glass fittings and



■ Construction on a new community health centre in Port Nolloth in the Northern Cape is almost complete. The facility will soon offer the small town greater access to healthcare services.

cladding at the reception and waiting areas, were performed by local sub-contractors.

The IDT is an entity of the National Department of Public

Works and supports all spheres of government with social infrastructure management and programme implementation. ■